

Universitätsbibliothek Paderborn

**Horologivm Sacerdotale Sacerdotibus tam Ecclesiasticis,
quàm Religiosis, præsertim Neomystis Ordinem diei, &
praxes indicans Opera quotidiana exactè, sanctéque
obeundi**

Dirckinck, Johann

Coloniæ, 1690

I. Die Dominica. De Infinitate Dei.

urn:nbn:de:hbz:466:1-50863

r, & CHRISTUS EUCHARISTICUS
DEUS ABSCONDITUS.

ANTE SACRVM.

Considerationes & affectus
pro VII. Hebdomadis diebus.

I. DIE DOMINICA.

De Infinitate Dei.

Magnus Dominus & laudabilis nimis & magnitudinis ejus non est finis. psal 144. Magnus Dominus, coram quo tanquam momentum stateræ est orbis terrarum ; cuius comparatione, mare, gutta, astra puncta, cœli atomi, creata omnia tanquam nihil. O Deus infinite ! verè magnitudinis tuæ non est finis ; quidquid enim in te reperimus, infinitum esse non ambigimus : substantiæ enim infinitæ, attributa congruunt, quæ sunt infinita ; quemadmodum igni infinito calor infinitus competenter. Ac proinde veluti substantia & natura tua est infinita, sic potencia ab ea indistincta infinita est : sic sapientia est infinita, bonitas est infinita, Justitia, misericordia, pulchritudo, amabilitas

P

litas

itas, sanctitas est undequaque infinita,
O quanto repleor stupore, dum isthac
meditor! Adoro te cum tremore, & exul-
to cum timore, mi Deus, & cum amor
gaudeo, te adeo magnum esse & incom-
prehensibilem cogitatu, ut vel ipsi Che-
rubini & Seraphini nequeant te compre-
hendere. O si vires meas omnes saltem
impenderem in te diligendo, liquidem ad
comprehendendum non sufficio!

II. Sed magis attonitus sto, dum ma-
gnum hunc Dominum, in exigua latentem
hostia per fidem intror, & in parvo or-
biculo, in mica minima, totam infini-
tatem abscondi cerno. Quis mortalium
aut Angelorum haec capiat? Ecce Deus
magnus, vincens scientiam nostram Job.
& verè lucem habitans inaccessibilem.
Tim. 6. Credo, Domine, quia tu dixisti.
Sed simul obstupesco, & hunc amoris &
humilitatis excessum infinitū non capio.

III. Quantā igitur, ô magne Deus!
submissione & reverentiā, mihi vilitatis
abyssō ad abyssum Majestatis accedendum
erit? certè infinitæ Majestati honor &
reverentia debetur infinita: at cum hac

faul,

facultatem meam excedat, an non summâ
quâ possum, ad te adeundum erit? quan-
to desiderio me ferti oportet in te super
omnia desiderabilem, in quo infinitè est,
quidquid possum concupiscere, ut mihi
sit benè? quantâ charitate te complecti
par est, propter infinitam Bonitatem &
excellentiam tuam, omni laude, gloriâ,
veneratione, cultu & obsequio infinitè
dignam? quanto zelo me æstuare decet,
& procurare pro viribus, ut mortales om-
nes te cognoscant, ament & laudent
quam perfectissimè in tempore & æterni-
tate? Revereor te, ô magne Deus! quantū
possum: desidero te, quantum possum:
amote quantum possum: zelo honorum
tuum, quantum possum: si verò id non
par est facio, da ut faciam: ego enim
de extoto corde desidero.

I. Oratio ad B. M. V. pro assistentia.

O Biscro te, ô gloria Domina, à Filio
tuo dilecto, hunc mihi favorem ob-
line; ut sicut fecit tibi magna qui potens
est, ita idem suâ Potentiâ me confortet,
suâ Sapientiâ me illuminet, suâ me perfici-
et: Bonitate; ut eundem Filium tuum de-

bitâ charitate in Sacramento suscipiam,
omniq; possibili devotione laudem. Qui
vivit & regnat in secula. Amen.

II. *Oratio ad SS. Angelos.*

O Sancte mi Angele Tutelaris, ceteriq;
Angeli sancti, qui statis in domo Do-
mini & in atriis Domûs Dei nostri , in
conspectu Throni & Agni, summo cum
stupore, amore & reverentiâ: Assistite mi-
hi hodie meque excitate ut simili stupore
& amore, reverentiâ & devotione ada-
ram consistam, & divinissima hæc myste-
ria peragam.

III. *Oratio ad Sanctum hodiernum.*

O Sancte N. aspectu beatifico jam fru-
ens, Deique Majestatem, Potentiam,
Sapientiam & Bonitatem facie ad faciem
contemplans, tuâ quæso intercessione, ita
hodie cœlestia hæc Sacraenta suscipiam
atque tractem; quemadmodum tu, si in
terras redires, eadem susciperes vel tracta-
res. Per Christum D. N. Amen.

II. *Consideratio & Affectus de
Immenitate Dei.*

F E R I A II.

I. **O** Deus immense! tu es ubique &
absque